



D^a. OLGA ALONSO SUÁREZ, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na sesión **extraordinaria e urxente do 3 de agosto de 2017**, adoptou o seguinte acordo:

11.- EXPEDIENTE DE CONTRATACIÓN DO SERVIZO DE SINALIZACIÓN HORIZONTAL E VERTICAL DO CONCELLO DE VIGO. EXPTE. 98714/210.

Examinadas as actuacións do expediente, visto o informe xurídico de data 27/07/17, e o informe de fiscalización de data 1/08/17, dáse conta do informe-proposta do 1/08/17, asinado polo enxeñeiro técnico industrial, o xefe da Área de Seguridade e Mobilidade, e o concelleiro delegado da Área que di o seguinte:

PRIMEIRO.- O concelleiro delegado de Mobilidade e Seguridade, mediante resolución de 15 de setembro de 2016 adoptou acordo de iniciación do expediente para a nova licitación do servizo de xestión da mobilidade de vehículos e persoas mediante a sinalización viaria na cidade de Vigo (98714/210).

SEGUNDO.- En sesión extraordinaria e urxente de 12 de abril de 2017, a Xunta de Goberno Local aprobou o citado expediente ordenando a apertura da correspondente licitación pública.

TERCEIRO.- O 18 de maio de 2017 a mercantil HIEZ HORNIDURAK INSTALAZIOAK ETA ZERBITZUAK, S.A. interpuxo ante o Tribunal Central de Recursos Contractuais recurso especial en materia de contratación en relación co prego de cláusulas administrativas particulares, no que se acordou a suspensión da tramitación e que foi resolto en sentido favorable ao recurrente por Resolución do citado órgano número 588/2017, que implica no que aquí interesa a fixación dunha clasificación alternativa no apartado 6.A da folia de especificacións do contrato.

Da citada Resolución se da conta á Xunta de Goberno Local polo Servizo de Contratación, tomando aquela “razón” do fallo en acordo adoptado en sesión extraordinaria e urxente de 13 de xullo de 2017. E ordenando que polo citado servizo se continue a tramitación do expediente.

CUARTO.- Por escrito con rexistro de entrada no Concello número 170075896, de 29 de maio, D. Francisco José Méndez Paz, con D.N.I. 36.109.325 S en calidade de Delegado de Persoal da mercantil API MOBILIDADE S.A., quen prestou o servizo obxecto de nova licitación ao Concello ata o 28 de febreiro de 2017, con invocación dos feitos e fundamentos de dereito que estimou oportunos termina solicitando que se inclúa nos pregos da licitación a subrogación do persoal que prestaba servizo na citada mercantil.

QUINTO.- Por dilixencia de 13 de xullo se lle deu audiencia á mercantil API MOBILIDADE S.A. en relación coa petición de inclusión da subrogación.

O citado trámite foi evacuado a modo de escrito de 19 de xullo con entrada no Rexistro Xeral de 24 de xullo (doc. 170105337), no que se rexeita a obrigatoriedade da subrogación convencional interesada por D. Francisco José Méndez Paz.

FUNDAMENTOS XURÍDICOS



Copia auténtica do orixinal - Concello de Vigo	Data impresión: 08/08/2017 08:59	Páxina 1 de 4
Expediente 98714/210	Código de verificación: 25E84-E4E4B-253DC-35EBA	
Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica http://www.vigo.org/csv		

Primeiro.- Na iniciación e tramitación do expediente se teñen observado os requisitos establecidos no art. 109 do Texto refundido da lei de contratos do sector público aprobado polo RDL 3/2011 (LCSP).

A competencia de iniciación ten fundamento no Acordo da Xunta de Goberno Local de 19 de xuño de 2015, sobre delegación de competencias nos concelleiros delegados.

Ao expediente incorpóranse:

Memoria xustificativa do contrato asinada o 01 de marzo de 2017 polo Enxeñeiro Técnico da Área e polo propio funcionario asinante desta proposta (art. 109.1 LCSP).

Prego de Prescricions Técnicas (art. 109.3 e concordantes da LCSP) asinada tamén o 01 de marzo de 2017 polo Enxeñeiro Técnico da Área e polo propio funcionario asinante desta proposta.

Prego de Cláusulas Administrativas Particulares (art. 109.3, 120 e concordantes da LCSP) asinado pola Xefa do Servizo de Contratación con data de 27 de xullo de 2017.

Segundo.- No Prego de Cláusulas Administrativas Particulares non se contempla a subrogación do persoal, solicitada polo Delegado de Persoal da contrata saínte con fundamento convencional nos arts. 3 e 16 bis do Convenio Colectivo do Sector da Construcción (BOP de Pontevedra de 01 de marzo de 2017) en relación co art. 120 do Texto Refundido da Lei de Contratos do Sector Público e Cláusula 27.13 do Prego de Cláusulas Administrativas Particulares.

A non inclusión de dita cláusula responde a un criterio reiterado da doutrina xudicial sobre a non inclusión do servizo contratado no expediente 98714-210 na actividade económica contemplada no art. 16 bis do Convenio Colectivo Provincial do Sector da Construcción e no art. 27 e concordantes do V Convenio Xeral do Sector da Construcción que lle prestan fundamento ás previsións do provincial.

Así o pon de manifesto a contrata saínte, que invoca as sentenzas favorables a dito plantexamento ditadas pola Sala do Social do TSX de Andalucía, con sede en Málaga, nos recursos de suplicación tramitados cos números 76/2014 e 947/2014.

En idéntico sentido se pronunciou a Sentenza ditada pola Sala do Social do TSX de Madrid, no recurso de suplicación tramitado co número 5108/2009. Esta Sentenza foi confirmada en casación por Auto de inadmisión da Sala do Social do Tribunal Supremo, ditado no Recurso de Casación para a unificación de doutrina tramitado con número 398/2010.

En todo caso, a non inclusión da subrogación non estorba o correcto entendemento e alcance da Cláusula 27.13 do Prego de Cláusulas Administrativas Particulares.

Terceiro.- A interposición do recurso especial en materia de contratación ten demorado a resolución da licitación e conseguinte establecemento e posta en funcionamento do novo servizo, o que determina a imperiosa necesidade de declarar a urxencia do expediente por tratarse dun servizo público obrigatorio e estrictamente vinculado á seguridade viaria de prestación continuada as 24 horas do día todos os días do ano cuxa correcta atención resulta indispensable en termos de seguridade, fluidez e confortabilidade da mobilidade de vehículos e personas no termo municipal.



Copia auténtica do orixinal - Concello de Vigo

Data impresión: 08/08/2017 08:59

Páxina 2 de 4

Expediente 98714/210

Código de verificación: 25E84-E4E4B-253DC-35EBA

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>



Cuarto.- Corresponde á Xunta de Goberno Local, como órgano de contratación, a aprobación do expediente e conseguinte apertura do procedemento de adxudicación (art. 110, en relación coa D.A. 2ª, 3 e 7 da LCSP).

Quinto.- O expediente ten por obxecto un contrato de servizos suxeito a unha regulación harmonizada (arts. 10 e 16, Anexo II, todos da LCSP).

A codificación do obxecto contractual é:

CPC prov: 88680
CPV: 50232200-2

A licitación e adxudicación regularase polas normas do procedemento aberto, tramitación ordinaria.

E susceptible do recurso especial do art. 40 Texto Refundido da LCSP.

Sexto.- Na aplicación orzamentaria 13302279902 existe crédito adecuado e suficiente para atender o gasto derivado da tramitación, aprobación, licitación e adxudicación do contrato, por un importe máximo de 2.975.206,80 € (IVE excluído) para a enteira duración do mesmo prevista nos pregos.

Sétimo.- Consta asimesmo no expediente o informe xurídico previsto na D.A. 2ª apartado 7 da LCSP, asinado pola persona Titular da Asesoría Xurídica con data de 21 de marzo confirmado con data de 27 de xullo de 2017.

Oitavo.- O 07 de abril de 2017 a Intervención Xeral informa favorablemente o expediente (D.A. 2ª 7 LCSP) que deberá ser confirmado no seu caso.

En mérito de canto antecede o funcionario que subscribe ven en propoñer ao Concelleiro delegado de Seguridade e Mobilidade que eleve a Xunta de Goberno Local a seguinte proposta de
ACORDO

1º.- Aprobar o expediente de contratación para a nova licitación servizo de xestión da mobilidade de vehículos e personas mediante a sinalización viaria na cidade de Vigo (98714/210), en réxime de contrato de servizos suxeito a regulación harmonizada, integrado polos seguintes documentos:

1.- Memoria xustificativa do contrato asinada o 01 de marzo de 2017 polo Enxeñeiro Técnico da Área e polo propio funcionario asinante desta proposta.

2.- Prego de Prescricions Técnicas (art. 109.3 e concordantes da LCSP) asinada tamén o 01 de marzo de 2017 polo Enxeñeiro Técnico da Área e polo propio funcionario asinante desta proposta.

3.- Prego de Cláusulas Administrativas Particulares (art. 109.3, art. 120 e concordantes) asinado pola Xefa do Servizo de Contratación, de 27 de xullo de 2017.

4.- Informe xurídico previsto na D.A. 2ª apartado 7 da LCSP, asinado pola persona Titular da Asesoría Xurídica con data de 21 de marzo confirmado con data de 27 de xullo de 2017.



Copia auténtica do orixinal - Concello de Vigo	Data impresión: 08/08/2017 08:59	Páxina 3 de 4
Expediente 98714/210	Código de verificación: 25E84-E4E4B-253DC-35EBA	
Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica http://www.vigo.org/csv		

2º.- Autorizar o gasto necesario para a aprobación do expediente, licitación e conseguinte adxudicación do contrato con cargo á aplicación orzamentaria 13302279902, por un importe máximo de 2.975.206,80 € (IVE excluído) para a enteira duración do mesmo e segundo o seguinte desglose por anualidades prevista expresamente nos pregos que se aproban (IVE incluído):

ANO 2017: 350.000 €
 ANO 2018: 600.000 €
 ANO 2019: 600.000 €
 ANO 2020: 600.000 €
 ANO 2021: 250.000 €

3º.- Declarar a urxencia na tramitación do expediente cos efectos previstos no art. 112 e concordantes do texto refundido da Lei de Contratos do Sector Público, por razón da demora derivada da interposición do recurso especial en materia de contratación resultando indispensable a axilización da licitación, adxudicación e posta en funcionamento do novo servizo por imperiosas necesidades de seguridade viaria.

4º.- Dispoñer, en consecuencia, a apertura do período de licitación polas normas do procedemento aberto, con tramitación urxente e suxeito ao recurso especial en materia de contratación previsto no art. 40 LCSP.

Acordo

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a data da sinatura dixital.

CCA/me

V. e Pr.
 O ALCALDE,
 Abel Caballero Álvarez.



Copia auténtica do orixinal - Concello de Vigo	Data impresión: 08/08/2017 08:59	Páxina 4 de 4
Expediente 98714/210	Código de verificación: 25E84-E4E4B-253DC-35EBA	
Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica http://www.vigo.org/csv		